

The image features a minimalist design with three orange spheres of varying sizes. The largest sphere is in the top right, the smallest in the middle left, and a medium-sized one in the bottom right. Each sphere has a white outline and a subtle shadow. Two thin orange lines intersect at the center, forming an 'X' shape. The background is white.

**IZVJEŠĆE DELEGACIJE POSLODAVAČA U
EKONOMSKO SOCIJALNOM VIJEĆU FBIH**

IZVJEŠĆE DELEGACIJE POSLODAVACA U EKONOMSKO SOCIJALNOM VIJEĆU FBIH

Vlada Federacije Bosne i Hercegovine je sa Savezom samostalnih sindikata Bosne i Hercegovine i Udruženjem poslodavaca Federacije BiH zaključila Sporazum o osnivanju Ekonomsko-socijalnog vijeća za teritoriju Federacije BiH ("Službene novine Federacije BiH", broj 47/02) dana 27. augusta 2002. godine, kao najvišeg institucionalnog oblika za vođenje tripartitnog socijalnog dijaloga.

Ovim sporazumom utvrđuju se principi djelovanja ESV-a, sastav, način odlučivanja, djelokrug rada i nadležnosti ESV-a.

ESV kao najviše tripartitno tijelo na teritoriji Federacije BiH osnovano je radi vođenja zajedničke djelatnosti socijalnih partnera u oblasti ekonomske, socijalne i razvojne politike, afirmacije i zaštite ekonomskih i socijalnih prava, odnosno interesa zaposlenika i poslodavaca, razvijanja sistema kolektivnog pregovaranja i zaključivanja te primjene kolektivnih ugovora. Socijalni partneri su se usuglasili da će radi provedbe kolektivnih ugovora i ugovora o radu razvijati i međusobne bipartitne odnose na svim nivoima organiziranja socijalnih partnera.

ESV ima 15 članova, po 5 od svakog socijalnog partnera, te predsjedatelja koji koordinira i usmjerava rad. ESV održava sjednice i odlučuje ako mu prisustvuju najmanje po tri predstavnika svakog socijalnog partnera. Udruženje poslodavaca FBiH ima pet članova delegacije koja učestvuje na svim sjednicama Ekonomsko socijalnog vijeća FBiH. Članovi delegacije UP FBiH u ESV su: Predrag Čović, Mladen Pandurević, Eldin Brčaninović, Miralem Jahić i Mehmed Čorhodžić

ESV održava redovne sjednice jednom mjesečno, a po potrebi, zavisno od pitanja koja se razmatraju može se sazvati i vanredna sjednica.

ESV je u periodu od 27.02.2008. godine do 08.03.2009. godine ukupno održalo 11 redovnih sjednica, te jednu izvanrednu tj. nastavak 47. Redovne sjednice ESV.

Na spomenutim sjednicama se raspravljalo o vrlo važnim Zakonima i pitanjima koja se tiču uređenja ekonomskog prostora u Federaciji BiH kao što su:

- 1. Program rada Ekonomsko-socijalnog vijeća za 2008. godinu**
- 2. Zakon o profesionalnoj rehabilitaciji, osposobljavanju i zapošljavanju osoba sa invaliditetom u FBiH**
- 3. Povećanje minimalne neto satnice u FBiH sukladno izmjenama i dopunama Općeg kolektivnog ugovora**

4. Razmatranje Nacrta dokumenta: *Strategija reforme penzijskog sistema u FBiH*
5. Razmatranje Zakona o finansijskom restrukturiranju rudnika
6. Razmatranje primjene ratificiranih odredbi Konvencije o socijalnoj sigurnosti br. 102
7. Razmatranje Politike privatizacije državnog kapitala u Federaciji BiH
8. Razmatranje informacije o parafiskalnim nametima u gospodarstvu,
9. Razmatranje informacije Vlade FBiH o mjerama za održanje konkurentnosti domaćih tvrtki,
10. Usuglašavanje i potpisivanje socijalnog sporazuma za period 2009-2010, te operativnih mjera za ublažavanje posljedica ekonomske krize u FBiH (Uu prilogu izvješća)

Kao najznačajnije aktivnosti delegacije UP u ESV mogu se navesti:

- dugotrajni pregovori sa Vladom i sindikatima oko usuglašavanja izmjena i dopuna Općeg kolektivnog ugovora glede najniže plaće u F BiH, gdje smo uspjeli postići da najniža plaća nije osnovica za povećanje svih ostalih plaća koje su vezane koeficijentima
- Usuglašavanje i potpisivanje socijalnog sporazuma za period 2009-2010 i donošenje programa mjera za ublažavanje posljedica ekonomske krize gdje je naglasak dat na rasterećenju privrede i ukidanju nameta kojima je osnova ukupan bruto prihod.

Tijekom proteklog perioda u radu ESV delegacija je djelovala sinkronizirano, zastupajući stavove udruženja i UO. Prije svake sjednice održavane su konzultacije i definirani stavovi koje smo zastupali, te smo međusobno raspoređivali pitanja za raspravu, sukladno točkama dnevnog reda. Također, bitno je naglasiti da je delegacija u radu ESV sudjelovala u punom sastavu gotovo na svim sjednicama.

Sarajevo, mart 2009.

Predsjednik delegacije UP u ESV
Predrag Čović